

Roneàdont ne Niyoh neoni Ranihha Songwayàner Jesus Christ, ne neanné tsi-kowànea Ronidarèskouh, sess-hongwadèwédouh né yonheghtsihoeh Yorhàratst, ne rorihhóeny ne sotketskweah Jesus Christ ne tsiniha-weahhèyoughne. 1 *Pet.* i. 3.

Et-hoghke tsineà-we eandewéseke, kinyouh yoyànere tsinayet-hiyéràse agwègouh Ongwehògouh, ne d'yakawightaghkous. *Gal.* vi. 10.

*Ne Yeghnekagast-ha Yakonoghwaraghtoghse.*

YAGH kea tesaderyèndare ne yagh-teyakoderighwag-wàrighsyouh ne yagh-t'hayondadderakwaghse Raoyanertsera Niyoh? 1 *Cor.* vi. 9.

Sègouh Yeneàghskwaghs, sègouh Yagoniyoese, sègouh Yeghnekagast-ha yakonoghwaràghtëghse, sègouh Yekonadàghkwa, sègouh okt'ha-òndadeghkwa, yaght'hayondadderakwaghse Raoyanèrtsera Niyoh. 10.

Sewanigderarak, ne Seweriyàne katke-ok toghsa yonikoughrodàgouh ne Yadeyondyeronnyoes, neoni Yeghnekagast-ha yakonoghwaràghtëghse, neoni koe-watstenyaròdesc nenekea Tsiyakònhe, neoni ne et-ho'nea Weghniserodeàhake yaghtea aghsad'yèrok et-hò ne sa-yàdaweah. *St. Luke* xxi. 34.

Kinyouh et-ho n'de-Weghniserodeàhake ayotkonnyeghstouh tsi-ayakwéseke; yaght-ha dayond'yeronnyouh neoni Yeghnekagast-ha yakonoghwaràghtëghse, yaghtea Yakoghdaght-ha tsiyonoghsaweàghse neoni Yoadakseànse, yaght-ha Tayondattswèah neoni Ayondaddenàkwàse. *Rom.* xiii. 13.

Ok eghtsyèna ne Royàner Jesus Christ, neoni toghsa satstenyaròuhs ne Owàrouh ne akanoss-haghseke. 14.

Ne Wakodeaght-hène ne neannè Orhoenkeghtsy yont-serdenis Kaghnekà-as-hátste koewaghserése, neoni yaontkòendèah tsinàhhe Towaihhoughsàdoughs, ne onea yakod'yakeghtàdouh Oneaharadasehhòntserakery. *Isa.* v. 11.